


DÍA DAS LETRAS GALEGAS  
17 DE MAIO DE 2010

*UXÍO NOVONVEYRA*



# UXÍO NOVONEYRA

Uxío Novoneyra, fillo de labregos, naceu o 19 de xaneiro de 1930 na pequena aldea de Parada de Moreda, en plenas montañas do Courel, en Lugo.

Estudou o bacharelato na cidade de Lugo e posteriormente trasladouse a Madrid para comezar a carreira de Filosofía e Letras. E é nesta cidade onde publica os seus primeiros poemas, na revista universitaria Bengala. Estes primeiros poemas están escritos en castelán.

No ano 1952 volta a Galicia e entra en contacto con diferentes intelectuais galegos de Santiago de Compostela: Ramón Piñeiro, Otero Pedrayo, Manuel María... o que o leva a tomar conciencia galeguista e a escribir, xa a partir de entón, exclusivamente en idioma galego.



*Uxío nunha foto de cando estudaba no Instituto de Lugo.*




*Uxío Novoneyra cos seus pais na casa familiar de Parada de Moreda.*

# UXÍO NOVONEYRA

Casou en 1973 con Elva Rei, á que coñeceu durante a súa estadía en Lugo, e coa que tivo tres fillos: Branca-Petra, Uxío e Arturo.

Durante un tempo vive entre Lugo e O Courel ata que se establece definitivamente, dez anos máis tarde, en Santiago de Compostela. É nesta cidade onde é elixido Presidente da Asociación de Escritores en Lingua Galega, cargo que vai exercer ata a súa morte durante dezasete anos consecutivos.



*Uxío Novoneyra, nunha caricatura realizada por Luís Seoane*



*Nun recital poético no ano 1997*


# UXÍO NOVONEYRA

Uxío é autor de numerosos libros de poemas: «*Muller pra lonxe*», «*Do Courel a Compostela*», «*Poemas caligráficos*»..., sendo o máis coñecido e máis representativo da súa obra o o qu eleva por título «*Os eidos*», nos que recompila toda a súa poesía relacionada co Courel.

Escribiu tamén tres contos para os máis pequenos: «*Gorgorín e Cabezón*», «*Ilda, o lobo, o corzo e o xabarín*» e «*O cubil do xabarín*».

Faleceu en Santiago de Compostela un 30 de outubro de 1999.

Este ano 2010 a Real Academia Galega adícalle o 17 de maio, Día das Letras Galegas, como recoñecemento ao seu traballo a prol da lingua e a cultura galega.



***Plantando un carballo, con E de escritor, acompañado de Manuel María, Saleta Goi, Cesáreo Sánchez,...***



*Uxío Novoneyra, á esquerda, co seu amigo o poeta Manuel María.  
Santiago de Compostela, 1998.*



*Uxío Novoneyra, terceiro pola esquerda, nun Congreso de Poesía Galega en Vilagarcía de Arousa, Pontevedra.*

# FIANDEIRA NAMORADA

FIANDEIRA namorada  
que fías detralo lume  
cos ollos postos nas chamas  
roxiñas brancas i azules.

Fiandeiriña que fías  
nas noites do longo inverno  
as liñas máis delgadiñas  
co fío do pensamento.

Cai a neve quedo fóra  
riba dos teitos calada  
mentres ti fías e soñas  
nunha cousiña lonxana...

-FIANDEIRIÑA delgada  
sempre metida a fiar  
sempre a fiar e soñar  
para logo non ser nada.

-Para logo non ser nada  
eso inda está por ver  
e pois cas frebas do liño  
ó torcelas de camiño  
algo se ha de prender.

-Algo se ha de prender  
i afé que tiñas razón  
que eu estábache mirando  
sin deñar que encantenón  
íbame indo namorado.



*Campesina, de Luís Seoane*

# FONTIÑA DO CARABEL!

FONTIÑA do Carabel!  
Auga branca  
nacida ó pé dunha faia  
ten que ter bon beber.

-Toma  
pon de calexa esta folla.  
Aséntaa ben no buraco  
e préndea cunha pedra.

Qué fontíña máis pequena!  
Sécase dun sorbato.

Fontiña do Carabel!  
que das xusto  
o que un pode beber!

*Uxío Novoneyra*



*Novoneyra, no Courel, en agosto de 1996.*

# CANTA O CUCO CALA E CANTA

CANTA o cuco cala e canta  
dos castiñeiros do val.  
Pasa o tempo e non di nada  
e volta o cuco a cantar.

*Uxío Novoneyra*



# SOBOR DAS BARCAS

*Sobor das barcas:  
as mulleres o viño  
as viandas*

Sobor das barcas:  
as mulleres, o viño,  
as viandas

as ondas...

*Uxío Novoneyra*

*as ondas...*

# LENDA DE ALFONSO II


ERAN seis os cavaleiros  
seis os cavaleiros seis  
os pares entre primeiros  
os que cambian os reis.

De Mogoxe a Sobredo  
por Mercurín a Seceda  
e pola rota segreda  
para as Asturias de Oviedo.

Eran seis os cavaleiros  
seis os cavaleiros seis  
os pares entre primeiros  
os que cambian os reis.

Posto en morada escondida  
en terra tan arredada  
¿cómo a súa estada?  
¿cando a súa partida?

Sen escolta n-escudeiros  
polo Courel só-os seis.



*Nunha foto de 1996, Uxío posa como os vellos pastores do Courel.*

*Uxío Navarrete*


# MOUCHO DA ALAMEDA / LUGO

MOUCHO que cantas pra noite queda  
na sombra das flairas tecidas,  
ti fais distas arbres da cidade  
un bosque antigo no que eu estuven sempre.

Oíndote, esquezo as casas apezadas d'orredor  
que o teu canto iñora.

Moucho,  
nós non somos pra vivir eiquí.  
Os dous viñemos de lonxe  
e tornaremos outra vez pra aló,  
onde o noso misterio se acai.

Ti iraste, despois que eu me vaía,  
unha noite que ningún vele  
nesta cidade de nebras e campás vagariñas.



# GALICIA SERÁ A MIÑA XERACIÓN QUEN TE SALVE?

GALICIA será a miña xeración quen te salve?  
Irei un día do Courel a Compostela por terras libradas?

Non, a forza do noso amor non pode ser inútil!

*Uxío Novoneyra, 1957*



*Uxío Novoneyra, no Courel, cos seus fillos pequenos Uxío e Branca-Petra.*